

**JAMHURI YA MUUNGANO WA TANZANIA.**  
**WIZARA YA ELIMU, SAYANSI NA TEKNOLOJIA**  
**CHUO CHA UALIMU BUNDA.**

MKOA WA MARA  
Simu: 028 – 2621028  
Fax: 028 – 2621028  
Mobile 0756066361/0742050457/0757695078  
E- mail: [bundattc@gmail.com](mailto:bundattc@gmail.com).



S.L.P. 01,  
BUNDA, MARA  
**TANZANIA.**

Kumb. Na. BUNDA/TC/GF/VOL.II/42/108

16/05/2022

Mr /MS .....

**YAH: MAELEKEZO YA KUJIUNGA NA CHUO  
(JOINING INSTRUCTION) 2022/2023.**

Uongozi wa chuo unafurahi kukuarifu kuwa umechaguliwa kujiunga na kozi ya **Astashahada ya Ualimu Elimu ya Awali, Astashahada ya Ualimu Elimu ya Msingi na Stashahada ya Ualimu Elimu ya Sekondari** katika chuo cha Ualimu Bunda. Mafunzo haya yatachukuwa muda wa miaka miwili kwa kila kozi.

Unatakiwa kufika chuoni kuanzia tarehe **13/06/2022** hadi tarehe **27/06/2022** kwa **Astashahada ya Ualimu Elimu ya Awali, Astashahada ya Ualimu Elimu ya Msingi na Stashahada ya Ualimu Elimu ya Sekondari**. Baada ya tarehe tajwa kwa kila kozi hapo juu hutapokelewa na kusajiliwa. Ni vema uwahi ili usipoteze nafasi yako hii adimu pia upate maelekezo ya msingi katika mafunzo kabilishi (**orientation**) kwa ajili ya kujua mambo mbalimbali ya kufuata na kuzingatia katika kipindi chote cha mafunzo kwa mujibu wa sheria, kanuni na taratibu za chuo.

**1. MAELEZO MAFUPI KUHUSU CHUO:**

Chuo kilianzishwa mwaka 1983 katika wilaya ya Bunda mkoa wa Mara. Bunda ni mahali pazuri na chuo chetu ni kizuri sana. Moto au kauli yetu ni **“HEKIMA NA UMOJA”**. Dira ya Chuo chetu ni **“Kuwa Taasisi ya mfano katika kutoa huduma za kielimu zinazokubalika kwa wateja”**

Chuo kipo umbali wa km 2 kutoka Bunda mjini pembezoni kulia mwa barabara kuu iendayo Musoma/Tarime katika eneo litwalo **Nyasura**. Shuka katika kituo cha mabasi kitwacho **Nyasura Stendi** ili kuepuka usumbufu chukua usafiri wa pikipiki ambao ni Tsh 1000/=.

**2. Mahitaji kwa ajili ya usajili ni kama ifuatavyo:**

- ◆ Vyeti halisi vya kidato cha nne, kidato cha sita na cheti cha ualimu wanaotoka kazini.
- ◆ **Score sheets / hati ya matokeo** yoyote haitapokelewa isipokuwa kwa wahitimu ambao vyeti vyao havijatoka
- ◆ Cheti cha kuhitimu shule (**school leaving certificate**).
- ◆ Barua hii ya kukuita chuoni (**Joining instruction**).
- ◆ Vitambulisho vya shule au kitambulisho kingine kinachokutambulisha kama vile kitabu cha benki au **“passport”** au cheti cha kuzaliwa.
- ◆ Aliyeajiriwa awe na kitambulisho cha kazi na barua ya ruhusa toka kwa mwajiri wake ya kumruhusu.

### 3. MICHANGO/ADA

- ◆ Unatakiwa kuja na fedha taslimu ya ada hapa chuoni na baada ya kufika utapewa control namba toka ofisi za muhasibu kwa ajili ya kulipa ADA katika benki ya NMB Bunda na kisha utatakiwa kukabidhi risiti ya benki ( **Bank pay-in- slips**) kwa uthibitisho.
- ◆ Yanatakiwa majina ya mwanachuo yaonekane katika hati ya malipo ( **Bank pay- in- slips**) Risiti ya benki utakayo pewa kama yanavyosomeka katika vyeti vya kuhitimu.
- ◆ Michango yote iwekwe kwenye Miscellaneous Account: **No.30103500086 NMB Bunda**. Malipo ya michango tu yafanyike kwenye **Akaunti** tajwa hapo juu kwenye tawi lolote la **NMB** na si vinginevyo kulingana na maelekezo yaliyopo kwa kila mchango

- ❖ **ADA**. Ada ya mafunzo ni. **TSH 450,000/=** kwa mwaka. Unaweza kulipa Tsh. **225,000/=** kwa muhula kwa kutumia Control number inayopatikana ofisi ya Mhasibu wa chuo.

### ❖ MICHANGO

Michango ifuatayo utapaswa kuilipa kwa mwaka isipokuwa usajili na Kitambulisho utalipa mara moja tu kwa miaka yote miwili:

1. Ulinzi - - Tsh 30,000/= kwa mwaka.
2. Ukarabati - - Tsh 25,000/= kwa mwaka.
3. Usafi na Mazingira Tsh 20,000/= kwa mwaka.
4. Huduma ya kwanza Tsh 10,000/= kwa mwaka.
5. Michezo - - Tsh 30,000/= kwa mwaka.
6. Kukodisha godoro Tsh 10,000/= kwa mwaka.
7. Serikali ya wanachuo Tsh 5,000/= kwa mwaka.
8. Usajili na kitambulisho Tsh 20,000/= kwa mwaka wa kwanza tu.
9. **Bima ya Afya** Tsh **50400/=** kwa mwaka.

NB: *Kama una bima ya Afya (NHIF) usilipe huo mchango wa bima ya Afya, njoo na kadi yako ya bima.*

### 4. SARE YA CHUO

Utatakiwa kushona nguo maridadi nadhifu yenye kuonesha haiba nzuri ya ualimu kama ifuatavyo:

#### ➤ WANAUME/WAVULANA.


- ◆ Suruali mbili au zaidi za kitambaa chenye rangi ya Dark blue na koti lake (**Suti**). Suruali zisiwe za kubana bali ziwe nchi "17"
- ◆ Shati mbili au zaidi zenye mikono mirefu ya rangi ya zambarau mpauko ambazo **zinapatikana chuoni**
- ◆ Tai dark blue mpya.
- ◆ Viatu vyeusi vya ngozi vya kufunga na kamba vinavyofunika miguu visiwe na visigino virefu.
- ◆ T- shirt moja yenye nembo ya chuo. **Hii inapatikana chuoni kwa Tshs. 20,000/=.**

➤ **WANAWAKE / WASICHANA.**

- ◆ Sketi mbili au zaidi za kitambaa cha rangi Dark blue na koti lake (Suti) za kushona Linda boksi Inchi 7 kuvuka magoti isiwe na mpasuo. Min Sketi haziruruhusiwi hapa chuoni.
- ◆ Shati mbili za mikono mirefu rangi ya zambarau mpauko ambazo **zinapatikana chuoni.**
- ◆ Tai dark blue mpya
- ◆ Viatu vyeusi vya ngozi vya kufunga na Kamba vinavyofunika miguu na visivyo na visingino virefu.
- ◆ Michoro iliyopo hapo chini inaelekeza jinsi ya kushona Sketi na Suruali.
- ◆ T-shirt moja yenye nembo ya chuo. **Hii inapatikana chuoni kwa Tshs 20,000/=**

**NB:** Kwa wanachuo wa kike wa kiislamu wanatakiwa kushona hijabu yenye mfanano na rangi ya shati ya chuo ambayo ni rangi ya zambarau mpauko.

(Picha No.01 Sketi na Picha no.02 suruali)



**5. MAVAZI YA MICHEZO:**

Michezo ni sehemu ya maisha hapa chuoni. Hivyo wanachuo wote hamna budi kushiriki kikamilifu katika michezo. Kila mwanachuo anapaswa kuja na viatu vya raba, bukta na fulana (T-shirt rangi nyeupe ya Real Madrid) na track suti ya rangi ya bluu bahari (light blue), T-shirt na Track suti husika **zinapatikana chuoni.** Wasichana wanatakiwa kuwa na sketi fupi ya kuvalia juu ya bukta.

**6. VIFAA MUHIMU VYA KUJA NAVYO CHUONI.**

Kwa wasichana na wavulana mnatakiwa kuja na fedha kwa ajili ya manunuzi ya vifaa hivi:-

- ◆ Shuka-Njoo na shuka mbili za laiti bluu kwa ajili ya kujifunika na kutandika, neti na blanketi.
- ◆ Leta picha (03) passport size za rangi kwa ajili ya rekodi za ofisi ya usajili na uadili.
- ◆ Picha ioneshe uso kwa mbele, masikio yote mawili na iwe na background ya rangi ya blue.
- ◆ Njoo na ndoo, sahani, kikombe, bakuli na kijiko kwa matumizi binafsi.
- ◆ Fagio moja aina ya chelewa (wenye mpini). **Huu unapatikana chuoni**
- ◆ **Ndoo zinapatikana chuoni.**

7. VIFAA VYA TAALUMA (*Hivi vyote vinapatikana Chuoni*)

- ◆ Kalamu za kuandikia za kutosha rangi nyeusi na blue.
- ◆ Magic markers kwa ajili ya kuchorca vielelezo vya kufundishia rangi nyeusi, nyekundu, bluu na kijani.
- ◆ Kumbukumbu za kila siku (portifolio) mafaili (12) na bahasha kubwa moja kwa ajili ya kutunzia vyeti.
- ◆ Ream ya karatasi **mbili (02)** quire 4 aina ya (double A) yenye **jarada la rangi ya bluu.**

8. KOZI ZINAZOTOLEWA NI: -

- I. ASTASHAHADA YA UALIMU ELIMU YA AWALI.
- II. ASTASHAHADA YA UALIMU ELIMU YA MSINGI.
- III. STASHAHADA YA UALIMU ELIMU YA SEKONDARI.

Stashahada ya Ualimu Elimu ya Sekondari katika chuo hiki hutolewa katika tahasusi zifuatazo HGL, HKI, na IIGK kwa mgawanyiko wa masomo mawili mawili HG, KE, GE, HK, HE na GK

9. CHETI CHA DAKTARI:

- ◆ Ili kuthibitisha kwamba afya yako ni njema kwa ajili ya mafunzo haya inakupasa upimwe katika Hospitali ya serikali/Hospitali teule.
- ◆ Hairuhusiwi kuleta majiko, hita, friji, tv n.k.
- ◆ Utasajiliwa na jopo la wakufunzi ambao watahakikisha kila ulichoagizwa umeleta usipokuwa navyo hautapokelewa.
- ◆ Aidha unatakiwa kuja na fedha za matumizi binafsi kwa ajili ya matumizi madogomadogo.

**UONGOZI WA CHUO UNAKUTAKIA SAFARI NJEMA KUJA CHUONI  
KARIBU SANA.**



**V. M. Mancheye**  
**Mkuu wa chuo**

WAZOZI WA CHUO  
WAZOZI WA CHUO  
WAZOZI WA CHUO

18/25/2022

GOVERNMENT OF TANZANIA  
REQUEST FOR MEDICAL EXAMINATION

PART A:



TO: The Medical Officer

From: .....  
Teachers' College.

.....  
.....

Please examine the above named as to his/her physical and mental fitness for a full time teachers course.

- A: 1. (a) Eye – sight
- (b) Hearing
- (c) Speech
- (d) Venereal Diseases
- (e) Leprosy
- (f) Limbs
- (g) Epilepsy
- 2. Neuroses
- 3. Other serious diseases.

B: Blood Group

Date : .....

Signature.....  
Official Stamp

\*\*\*\*\*

**PART B: MEDICAL CERTIFICATE.**

(To be completed by Government Medical Officer)

I have examined the above named student that he/she is physically fit/unfit and mentally \*fit/unfit for a full time teacher Education course.

- (a) Eye – sight.....
- (b) Hearing.....
- (c) Limbs.....
- (d) Speech.....
- (e) Leprosy.....

II. Neuroses.....

III. Other serious diseases.....

IV. pregnancy.....

Date:.....Signature.....

Official Stamp

**WIZARA YA ELIMU, SAYANSI NA TEKNOLOJIA  
CHUO CHA UALIMU BUNDA**

**SHERIA ZA CHUO**

Kwa kuwa Wizara ya Elimu, Sayansi na Teknolojia imevikabidhi Vyuo vya Ualimu dhatnana ya kuwaandaa Wanachuo kuwa Walimu na kuwaendeleza Walimu waliokazini: Sheria hizi zinatoa mwongozo wa kufuatwa ili kufanikisha malengo hayo. Nazo ni:

**1. SHERIA ZA NCHI:**

Kila Mwanachuo anatakiwa afuate sheria zote za Jamhuri ya Muungano Tanzania kikamilifu. Ni kosa kisheria kuvunja sheria za nchi

**2. ALAMA ZA TAIFA.**

Kila mwanachuo anatakiwa kuheshimu alama zote za Taifa. Mfano Bendera, wimbo wa Taifa. Ni kosa kisheria kutoheshimu alama za Taifa hivyo utafukuzwa chuo.

**3. HESHIMA:**

Waheshimu watumishi wote wa Chuo cha Ualimu Bunda, viongozi, Wageni na Wanachuo wenzio hapa Chuoni na nje ya Chuo. Unyanyasaji wa kila aina hautavumiliwa kabisa. Tunza amani na usalama wa Chuo. Ukipigana na kunyanyasa mwanachuo mwenzako utafukuzwa chuo.

**4. MASOMO/RATIBA.**

Masomo na shughuli zote zilizopangwa katika ratiba ni muhimu. Kila Mwanachuo anawajibika kufuata ratiba ya chuo kwa kuwahi na kuhudhuria vipindi vyote na kuonyesha bidii ya hali ya juu katika kila somo. Utaondolewa masomoni kwa uzembe wa kutohudhuria masomo darasani. Kosa la kutozingatia ratiba unaweza kusimamishwa masomo au kufukuzwa chuo.

**5. MALI YA UMMA:**

Kila mwanachuo anawajibu wa kutunza majengo na vifaa vyote vizuri: Tumia vifaa vizuri na viweke katika hali ya usafi na usalama. Wizi wa aina yoyote ni marufuku kabisa. Ukiiba utafukuzwa chuoni. Ukipoteza au kuharibu kifaa chochote cha chuo utalipa.

**6. JUHUDI NA MAARIFA.**

Kila Mwanachuo anapaswa kutumia juhudi na maarifa katika masomo, kazi za nje zote zinazofanywa chuoni na michezo. Uvivu na uzembe hautavumiliwa.

**7. USAFI:**

- a) Chuo kina sare maalum, kila Mwanachuo anapaswa kuvaa sare hiyo wakati wote wa masomo na nje ya chuo
- b) Jiweke katika hali ya usafi kila wakati, aidha yaweke majengo na mazingira ya chuo katika hali ya usafi wakati wote.

**8. MIKUTANO NA MAWASILIANO:**

- a) Mikutano, tafrija, michezo yote hapa chuoni ni lazima ijulikane rasmi kwa Mkufunzi wa zamu, Mwadili na Uongozi wa Chuo ili kibali kitolewe kabla.
- b) Mikutano au michezo baina ya wanachuo na Jumuiya ya nje ya Chuo lazima taarifa yake itolewe mapema kwa Mkuu wa Chuo kabla ya kufanyika ili kupata kibali maalum.
- c) Mazungumzo yote ya faragha yafanyike mahali pa wazi na siyo kwenye maficho au mahali pa giza.
- d) Barua zote za shughuli au Kiofisi ni lazima zipitie kwa Mkuu wa Chuo. Pia taarifa za dharura kuhusu msiba, ugonjwa, n.k. zinazokuja kwa wanachuo lazima zijulikane kwa Mkuu wa chuo

- e) Simu za mkononi haziruhusiwi kutumika katika vyumba vya madarasa, mitihani, katika mikutano ya chuo na katika shughuli zote rasmi za Chuo.

**9. ULEVI NA UVUTAJI SIGARA:**

Ni kosa kuwa katika hali ya ulevi wa aina yoyote. Pombe na madawa ya kulevya ni marufuku kwa wanachuo. Hili ni kosa la kukufukuza chuoni.

**10. MATEMBEZI/RUHUSA:**

- a) Matembezi nje ya Mji wa Bunda ni lazima yapate kibali maalum kutoka kwa Mwadili au Mkuu wa chuo.
- b) Ruhusa zote za kulala nje ya Chuo na kuwa nje ya Chuo usiku ni lazima zipate kibali cha Mkuu wa Chuo.
- c) Wanachuo wa kike ni marufuku kuingia katika mabweni ya wanaume pia wanaume ni marufuku kuingia katika mabweni ya wasichana bila kibali cha mwadili.
- d) Hairuhusiwi kutembelea nyumba za Wakufunzi au za Wafanyakazi wengine wa Chuo bila idhini maalumu kutoka kwa mwadili.
- e) Wanachuo wakiwa nje ya Chuo ni marufuku kuingia sehemu za kuuzia pombe, mabaa, nyumba za kulala wageni na sehemu nyingine zinazofanana na hizo.
- f) Mwanachuo anatakiwa awe chuoni wakati wote wa muhula, ruhusa ya kutoka nje kwa shida maalum hutolewa na Mkuu wa Chuo.
- g) Zitakuwepo "Roll Call" kwa wanachuo wote kila siku ili kuhakikisha kuwa mwanachuo yuko kituoni. Pia zitakuwepo rekodi za mahudhurio kwa kila shughuli zilizo katika ratiba.

**11. WAGENI:**

- (a) Wapokee wageni wote wafikao chuoni kwa heshima na ukarimu. Wageni wa Wanachuo hawatakaribishwa chuoni baada ya saa 12:00 jioni na siku za masomo.
- (b) Mwanachuo apataye mgeni lazima atoe taarifa kwa Mkufunzi wa Zamu au Mwadili mara mgeni afikapo na aondokapo.
- (c) Wageni wote lazima waandikishwe katika kitabu maalumu cha wageni wa Wanachuo. Wageni waje siku na saa za mapumziko tu.
- (d) Hairuhusiwi mgeni yeyote kupeleka mabweni.
- (e) Hairuhusiwi kupeleka chombo cha moto mabweni.

**12. UAMINIFU.**

Uwe mzalendo, mvumilivu, mwenye haki, mwaminifu na mkweli katika jambo lolote utendalo na usemalo. Udanganyifu, Uchochezi na Uzushi havitavumiliwa. Hili ni kosa la kusimamishwa masomo au kufukuzwa chuo.

**13. AFYA ZA WANACHUO:**


Kila Mwanachuo anapaswa kuwa na afya njema/timamu. Aidha, kila mmoja anapaswa kujihadhari na vitendo vyovyote vinavyoweza kusababisha maambukizo ya virusi vya UKIMWI na UKIMWI na magonjwa ya zinaa.

**14. MAHUSIANO YA KIMAPENZI**

Ni marufuku kwa mwanachuo kuwa na uhusiano wa kimapenzi na mwanachuo mwenzie au mlezi wake hali ambayo inapelekea kushuka kwa nidhamu na kiwango chake kitaaluma. Atakayebainika atachukuliwa hatua stahiki ya kusimamishwa mafunzo. Mwanachuo hatakiwi kuwa mjamzito katika kipindi chote cha mafunzo yake.

**15. PICHA ZA UTUPU**

Ni marufuku kwa mwanachuo kupiga, kuonesha au kusambaza picha au video za utupu kwa mwanachuo mwenzake au kwa mtu yeyote. Ukikutwa na kosa la namna hiyo adhabu yake ni kufukuzwa chuo mara moja.

  
V. M. Mancheye  
Mkuu wa Chuo

7 MAY 2022  
7:10 PM  
7:10 PM  
7:10 PM

16/05/2022